

Sukcese finiĝis la tria internacia kolokvo Patria fronte al komunikaj defioj



Premio Al Digno por Al Mayadeen

Havano, mar 21 (RHK) La engaĝiĝo de la ĉeestantoj kun la vero kaj la liberigo de la popolo markis la fermon, en ĉi tiu ĉefurbo, de la III-a Internacia Kolokvo Patria ĉi-merkrede.

La eventon ĉeestis Rogelio Polanco Fuentes, membro de la Sekretariejo de la Centra Komitato de la Komunista Partio de Kubo kaj estro de la Ideologia Departemento, kaj Inés María Chapman Waugh, vicĉefministriĉino de la Respubliko, kune kun aliaj gvidantoj kaj aĉtoritatoj.

Dum la spaco estis spektita video-resumo kun la ĉefaj ecoj de la evento, kiu estis translokita de sia antaŭa sidejo en Casa de las Américas al la foirejo Pabexpo, kaj okazis unuafoje en formato malfermita al publiko.

Konforme al siaj temoj orientitaj al politika kaj cifereca komunikado de maldekstro, la evento inkludis, krom la konferencoj kaj laborrenkontiĝoj, la prezenton de komunikaj spertoj de ĉirkaŭ 60 projektoj en multoblaj lokoj tra la mondo, kaj la uzado de novigaj teknologioj kiel kiel la mergaj ĉambroj, virtuala realeco kaj artefarita intelekto, inter aliaj elementoj, kiuj estis tre allogaj por ĉiaj partoprenantoj.

Legante la finan deklaron de la kunveno, la kuba ĵurnalistino, prezidanto de la organiza komitato, drino. Rosa Miriam Elizalde emfazis la bezonon pligrandigi analizon kaj strategiojn al la ĉiutaga komunika tasko por alfronti ĉi tiun ege postuleman historian momenton por alternativaj vojoj fronte al provoj trudi la totalisman hegemonian diskurson.

Por fari tion, li atentigis, necesas forlasi la instrumentan vizion de novaj teknologioj, alproprigi iliajn platformojn kaj utiligi tiujn spacojn por disvastigi vere emancipajn ideojn kaj por socia transformo.

La dokumento tiel denunciis la kontraŭleĝan eltiron kaj manipuladon fare de informaj monopoloj de uzantdatenoj, la uzadon kaj disvolvigon de ĉiam pli kompleksaj iloj por kognita militado, kaj postulis la tujan liberigon de Julian Assange kaj Pablo González, ambaŭ maljuste detenitaj en eŭropaj malliberejoj pro tio ke ili malkaŝis la manipuladon kaj hipokritecon de la ĉefaj novaĵmedioj

Per la dokumento, la partoprenantoj ankaŭ esprimis sian firman kondamnon de la genocido farita de la Cionisma ŝtato de Israelo kontraŭ la palestina popolo, kaj la blokado kaj intervenismaj agoj antaŭenigitaj de la usona Registaro kontraŭ Kubo.

Ni pravigas ĉi tie la vortojn de la Kuba Nacia Heroo José Martí: Patrujo estas homaro, konkludis la deklaro.

La Unio de ĵurnalistoj de Kubo (UPEC) profitis la okazon por prezenti la premiojn Digno kaj Majstro al la tutaraba novaĵtelevideo Al Mayadeen kaj la Kanalo Telesur respektive.

[https://www.radiohc.cu/eo/noticias/nacionales/350221-sukcese-finigis-la-tria-internacia-kolokvo-patria-
fronte-al-komunikaj-defioj](https://www.radiohc.cu/eo/noticias/nacionales/350221-sukcese-finigis-la-tria-internacia-kolokvo-patria-
fronte-al-komunikaj-defioj)



Radio Habana Cuba